



DOA PERMULAAN KERJA

Bismillahirrahmannirrahim
Alhamdulillah

Segala pujian bagi Allah, Tuhan pentadbiran sekalian alam, Selawat dan salam keatas junjungan besar Nabi Muhammad S.A.W. Pada pagi yang mulia ini kami berserah kepadamu dan memulakan kerja kami dengan lafaz Bismillah.....

Ya Allah Ya Tuhan Kami,

Tunjukkanlah kami kejalan yang benar, ajarkanlah apa yang kami tidak ketahui, kami memohon petunjuk, nurhidayah dan inayahmu untuk melaksanakan setiap tugas yang diamanahkan kepada kami. Anugerahkanlah ketenangan dan kesabaran setiap kali kami ditimpa kesusahan dan semasa senang.

Ya Allah Ya Tuhan Kami,

Semoga jadikanlah permulaan minggu ini kebaikan bagi kami, pertengahannya kesenangan dan akhiri minggu ini kejayaan bagi kami dunia dan akhirat. Semoga kau jadikan hari dan minggu ini lebih baik dan sempurna dari sebelumnya. Kau bahagiakan keluarga kami, eratkanlah hubungan silatulrahim kami. Pupukkan rasa kasih kami pada suami, isteri, anak-anak dan rakan-rakan. Kami memohon perlindungan mu dari sifat malas, tamak, sombong, irihati, tidak jujur semasa menjalankan tugas. Dan kau kurniakan kepada kami sifat ikhlas setiap kerja dan apa juga yang kami lakukan hanya kerana mu Ya Allah. Akhir sekali kami mohon semoga kau ampunkan dosa-dosa kami, dosa kedua ibu bapa kami, dosa keluarga kami dan dosa semua orang islam. Janganlah kau matikan kami sebelum sempat kami bertaubat. Kasihanilah kami, sesungguhnya kaulah yang maha pengasih dan maha pengampun lagi maha agung.

Rabbana atina minladuni

Ya Allah berikan kami kebaikan dunia dan akhirat. Lepaskanlah kami dari siksa dan azab api neraka.

Wasallah

